

Պրոպագանդա և հասարակական գիտությունների միություն

ՀԿ(բ)Պ ԿԵՆՏՐՈՆԻ
ՊՐՈՊԱԳԱՆԴԱՅԻՆ ԵՎ
ԱԳԻՏԱՑԻԱՅԻՆ ԲԱԺԻՆ

Ագիտացիոն ԲԼՈԿՆՈՏ

№ 5

1949

ԲՈՎԱՆԴԱԿՈՒԹՅՈՒՆ

էջ

ԽՍՌՄ Միեմտերեւի Սովետի և Համկ(բ)Պ	
Կենտկոմի օրոշումը 1949 թվի ՄԱՐՏԻ	
1-ԻՑ ՄԱՍՍԱՅԱԿԱՆ ՍՊԱՌՄԱՆ ԱՊ-	
ՐԱՆՔՆԵՐԻ ՊԵՏԱԿԱՆ ՄԱՆՐԱԾԱԽ ԳՆԵ-	
ՐԻ ԻԶԵՑՄԱՆ ՄԱՍԻՆ	1
Պշտական ագիտատորների մարտական անը-	
լիչները	9
Ագիտատորի աշխատանքի փորձից	
Վ. ՆՈՐՅՈՒՆ.— Ագիտատոր Ազատ Մանուկյանի	
աշխատանքի փորձից	15
Թ. ՀԱՅՐԻՊԵՏՅԱՆ.— Ինչպես եմ ես մասնա-	
յականացնում ՀԿ(բ)Պ 14-րդ համագու-	
մարի որոշումները	25
Օգնություն ագիտատորին	
Պրուժյունը Զինաւստանում	32
Քեմա, պլան և գրականութուն ագիտատորների	
զրույցների համար	45
Ինչ կարդալ	47
Նոր գրքեր	50

Խմբագրության նապեմ.— Երևան, Նալբանդյան 32,
ՀԿ(բ)Պ Կենտկոմի Պրոպագանդայի և ագիտացիայի
բաժին, հեռախոս՝ 2—52—78:

ԽՍՌՄ ՄԻՆԻՍՏՐՆԵՐԻ ՍՈՎԵՏԻ ԵՎ ՀԱՄԿ(Բ)Պ ԿԵՆՏԿՈՄԻ ՈՐՈՇՈՒՄԸ

1949 թվի ՄԱՐՏԻ 1-ԻՑ ՄԱՍՍԱՅԱԿԱՆ ՍՊԱՌՄԱՆ ԱՊՐԱՆՔՆԵՐԻ ՊԵՏԱԿԱՆ ՄԱՆՐԱԾԱԽ ԳՆԵՐԻ ՆՈՐ ԻԶԵՑՄԱՆ ՄԱՍԻՆ

1. 1947 թվի վերջում դրամական ռեֆորմ
անցկացնելու և քարտային սխեմայի վե-
րացնելու ժամանակ վերացվեցին ազատ
առևտրի բարձր գները և մտցվեցին մասնա-
յական սպառման ապրանքների միասնական
իջևցված պետական մանրածախ գներ: Դա
մասնաշաղկապ սպառման ապրանքների գնե-
րի իջեցման առաջին էտապն էր: Գների ի-
ջեցումը առաջին էտապում հանգեցրեց մաս-
նայական սպառման ապրանքների էժանաց-
մանը՝ պետական մանրածախ առևտրի գծով
տարվա ընթացքում ոչ պակաս քան 57 մի-
լիարդ ռուբլով: Այդ գումարը զուտ վնաս էր

պետական բյուջեի համար, որը պետք էր
ծածկել և հետագայում կառավարության
նպաստից իրոք ծածկվեց աշխատանքի արտա-
դրողականության աճման, մասսայական ըս-
պառման ապրանքների արտադրության վե-
րելքի, արտադրանքի ինքնարժեքի իջեցման
ընդհանուր թափանցանքի միաժամանակ զուտ շա-
տում էր բնակչության համար:

Մակաչն գործը դրանով չէր կարող սահ-
մանափակվել: Պետական մանրածախ առե-
նորի գծով ապրանքների գների իջեցումը
պետք է առաջ բերեր և իրոք առաջ բերեց
գների նույնպիսի իջեցում կոլխոզային և
կոոպերատիվ շուկայում: Որովհետև տար-
վա ընթացքում բնակչությանը վաճառվող
ապրանքների ընդհանուր մասսայի մեջ կոլ-
խոզային և կոոպերատիվ ապրանքների բա-
ժինը կազմում է մոտ 33 տոկոս, ապա դրա
հետևանքով ստացվեց, որ կոլխոզային և
կոոպերատիվ առևտրի ապրանքների գների
իջեցումը այդ ապրանքների էժանացում
ովեց ոչ պակաս քան 29 միլիարդ ռուբլով:

Հետևաբար, բնակչությունը մանրածախ
առևտրի բոլոր հատվածների գծով մանրա-
ծախի գների իջեցումից տարվա ընթացքում
շահեց ընդամենը մոտ 86 միլիարդ ռուբլի:

Այդ նշանակում է, որ գների իջեցման հե-

— 2 —

տևանքով առաջին էտապում զգալիորեն
բարձրացավ ռուբլու գնողունակությունը, օ-
տարերկրյա վալյուտաների կուրսի համե-
մատությամբ բարելավվեց ռուբլու կուրսը,
լուրջ կերպով բարձրացավ բանվորների և
ինտելիգենցիայի աշխատավարձը, զգալիո-
րեն ցածրացան գյուղացիների ծախսերը
արդյունաբերական ապրանքներ գնելու գծով:

2. 1948 թվի երկրորդ կեսում ՍՍՌՄ ժո-
ղովրդական տնտեսության հետագա վերել-
քի, մասսայական սպառման ապրանքների
արտադրության աճման և արտադրանքի
ինքնարժեքի իջեցման ապարեզում ձեռք
բերված նորանոր նվաճումների կապակցու-
թյամբ հնարավորություն ստեղծվեց իրա-
գործելու մասսայական սպառման ապրանք-
ների գների նոր իջեցում: ՍՍՌՄ Մինիստր-
ների Սովետը և Համկ(բ)Պ կենտկոմը որո-
շեցին իրագործել գների այդ նոր իջեցումը,
որը մասամբ արդեն սկսվել էր 1948 թվին և
այն ամբողջովին ավարտել 1949 թվի մար-
տի մեկին: Դա կլինի մասսայական սպառ-
ման ապրանքների գների իջեցման երկրորդ
էտապը:

Դրանից նոր իջեցումը այն չափով, ինչ չա-
փով որ այն նշված է սույն որոշմամբ, կհան-
դեսնի մասսայական սպառման ապրանքների

— 3 —

րի նոր լրացուցիչ էժանացման մանրածախ առևտրի պետական հատվածի գծով տարեկան ոչ պակաս քան 48 միլիարդ ռուբլով: Պետական բյուջեի այդ վնասը, որը միաժամանակ զուտ շահում է բնակչության համար, կառավարության կողմից պետք է ծածկվի և, անտարակոյս, կծածկվի տնտեսական մի շարք միջոցառումների օգնությամբ, չնայած այն լուրջ դժվարություններին, որոնք հարկ կլինի հաղթահարել:

Եթե հաշվի առնենք այն հանգամանքը, որ մանրածախ առևտրի պետական հատվածի գծով գների նոր իջեցումը առաջ կբերի անհապաղ և հիմնականում նույնպիսի գների իջեցում կոռպերատիվ ու կոլխոզային հատվածի գծով, ապա պետք է ընդունել, որ բնակչությունը կոլխոզային և կոռպերատիվ ապրանքների գների նոր իջեցումից լրացուցիչ կերպով կշահի ոչ պակաս քան 23 միլիարդ ռուբլի:

Հետևաբար, մանրածախ առևտրի բոլոր հատվածների գծով գների նոր իջեցումից, ներկա երկրորդ էտապում, տարվա ընթացքում բնակչությունը կշահի ընդամենը մոտ 71 միլիարդ ռուբլի:

Այս նշանակում է, որ գների նոր իջեցման հետևանքով նորից զգալի չափով կբարձ-

— 4 —

րանա ռուբլու գնողունակությունը և կբարելավվի ռուբլու կուրսը արտասահմանյան վալյուտաների կուրսի համեմատությամբ, նորից լուրջ կերպով կբարձրանա բանվորների և ինտելիգենցիայի ռեալ աշխատավարձը և նորից զգալի չափով կցածրանան գյուղացիների ծախսերը արդյունաբերական ապրանքներ գնելու գծով:

ՍՍՌ Միության Մինիստրների Սովետը և Համկ(բ)Պ կենտկոմը որոշում են.

ա) 1949 թվի մարտի մեկից մասսայական ապառման ապրանքների պետական մանրածախ գներն իջեցնել միջին հաշվով հետևյալ չափերով.

Հաց և ալյուր՝ 10 %.

Կրուպա և մակարոններ՝ 10 %.

Հատիկային ֆուրաժ, քուսպ, թեփ, կոմբինացված կեր՝ 20 %.

Խոտ՝ 30 %.

Պեչենի, պրյանիկ և տորթ՝ 10 %.

Միս, երշիկեղեն և պահածոներ՝ 10 %.

Չուկ և ձկնեղեն՝ 10 %.

Կարագ և հալած յուղ՝ 10 %.

Պանիր և բրինձա պանիր՝ 20 %.

Աղ՝ 30 %.

Օդի՝ 28 %.

Լիկյոր-օդի ըմպելիքներ՝ 25 %.

— 5 —

Խաղողի թուփ գինի, կոնյակ և մրգա-
պտղալյին գինի՝ 15 %.

Ախախտեղեն՝ 10 %.

Պարֆյումերիա՝ 20 %.

Վերարկու, կոստյում, շոր և բրդեղեն այլ
պատրաստի հագուստներ՝ 12 %.

Մետաքսեղեն շոր, շապիկ, բաճկոն և այլ
հագուստներ՝ 15 %.

Բրդեղեն գործվածքներ՝ 10 %.

Մետաքսեղեն գործվածքներ՝ 10 %.

Հագուստի անհատական պատվերը ատե-
լիսում ու արհեստանոցներում՝ 20 %.

Թել՝ 15 %.

Մետաքս գուլպա՝ 15 %.

Տեքստիլ և կոմբինացված կոշիկեղեն՝ 15 %.

Գլխարկ (շլապա և կեպի)՝ 15 %.

Տեքստիլ գալանտերեա՝ 15 %.

Ասեղնագործած իրեր՝ 15 %.

Մուշտակ՝ 10 %.

Մետաղեղեն գալանտերեա և կաշվի փո-
խանյութերից պատրաստված գալանտե-
րեա՝ 10 %.

Պլաստ մասսայից և ցելուլոզից պատ-
րաստված իրեր (ամանեղեն, կենցաղալի
իրեր և այլն)՝ 20 %.

Տնային գործածության մեղադրա իրեր

— 6 —

(դանակ, պատառաքաղ, գդալ և այլն)
10 %.

Տնային գործածության էլեկտրական ապ-
րանքներ (էլեկտրական թեյաման, էլեկ-
տրական պլիտա, էլեկտրական արդուր
և այլն)՝ 10 %.

Նրկաթեղեն իրեր՝ 20 %.

Թամբագործական ապրանքներ՝ 20 %.

Ցեմենտ՝ 30 %.

Մոտոցիկլետ՝ 15 %.

Հեծանիվ՝ 20 %.

Խաղողընդունիչ՝ 20 %.

Տելեվիզոր՝ 25 %.

Պիանինո, ակորդիոն, բալան և հարմո-
նիա՝ 20 %.

Պատեֆոն՝ 30 %.

Դրամաֆոնի և պատեֆոնի պատտինկա-
ներ՝ 20 %.

Փամացույց՝ 30 %.

Ոսկերչական իրեր՝ 20 %.

Դրամեքենա՝ 20 %.

Ճոտո-ապարատ և հեռադիտակ՝ 10 %.

Գները համապատասխանորեն իջեցնե-
լուստորաններում, հաշարաններում, թեյա-
տներում և հասալուսկական աննդի մյուս ձեռ-
նարկություններում.

— 7 —

բ) Հանձնարարել ՍՍՌՄ Առևտրի մի-
նիստրությանը, սույն որոշմանը համապա-
տասխան սահմանել սույն որոշման «ա» կե-
տում թվարկված պարենային, ֆուրաժային
և արդյունաբերական ապրանքների նոր ի-
ջևցված պետական մանրածախ գներ:

ՍՍՌՄ Մինիստրների
Սովետի Նախագահ

Ի. ՍՏԱԼԻՆ

ՀԱՄԿ(բ)Պ Կենտկոմի
Քարտուղար

Գ. ՄԱԼԵՆԿՈՎ

28 փետրվարի 1949 թ.

ԳՅՈՒՂԱԿԱՆ ԱԳԻՏԱՏՈՐՆԵՐԻ ՄԱՐՏԱԿԱՆ ԽՆԴԻՐՆԵՐԸ

Օրերս տեղի ունեցավ ՀԿ(բ)Պ Կենտկոմի
2-րդ պլենումը, որը քննության առավ կոլ-
խոզները, ՄՏ կայանները և սովխոզները
1949 թվի գարնանացանին նախապատրաս-
տելու ընթացքը, ինչպես նաև Հայկական ՍՍՌ-
ի կոլխոզներում և սովխոզներում մերձարևա-
դարձային պտղաբուծությունը զարգացնելու
միջոցառումները: Կենտկոմի պլենումը, ել-
նելով ՀամԿ(բ)Պ Կենտկոմի Փետրվարյան
պլենումի և ՍՍՌՄ Մինիստրների Սովետի և
ՀամԿ(բ)Պ Կենտկոմի «Կոլխոզները, ՄՏ կա-
յանները և սովխոզները գարնանացանին
նախապատրաստելու մասին» որոշումներից,
մարտական ծրագիր մշակեց մեր գյուղա-
տնտեսության 1949 թվի զարգացման հա-
մար: Պլենումի որոշումներում ընդգծված է,
որ 1949 թվին սոցիալիստական գյուղա-
տնտեսության գլխավոր խնդիրն է գյուղա-
տնտեսական արտելի կազմակերպական-

տնտեսական հետադա մերապնդումը և կոլ-
խոզների հանրային սեփականության բազ-
մապատկումը, իսկ հողագործության առ-
պարեզում պետք է ամեն կերպ բարձրացնել
հացահատիկային կուլտուրաների բերքա-
տվությունը, ավելացնել տեխնիկական կուլ-
տուրաների, հատկապես բամբակի, շաքարի
ճակնդեղի, վուշի արտադրությունը, ինչպես
նաև բազմամյա խոտաբույսերի սերմերի
արտադրությունը:

Մեր շրջանային գյուղական կազմակեր-
պությունները հսկայական աշխատանք պետք
է կատարեն դաշտապաշտպան անտառա-
շերտեր տնկելու, խոտադաշտային ցանքա-
շրջանառություն կիրառելու, խաղողագոր-
ծությունը և պտղաբուծությունը է՛լ ավելի
զարգացնելու, լեռնային շրջանների գյուղա-
տնտեսական արտադրության մեջ պտղա-
տու կուլտուրաների միշտորինյան տեսակներ
արմատավորելու և մերձարևադարձային
պտղաբուծությունը լայնորեն զարգացնելու
պլանը կենսագործելու համար:

Մեր պարտիական կազմակերպություննե-
րի, ագիտկուլեկտիվների և յուրաքանչյուր
ագիտատորի խնդիրն է այդ որոշումները
հասցնել յուրաքանչյուր կոլխոզ, բրիգադա,
օղակ և ամեն մի կոլխոզնիկի ցույց տալ այդ

— 10 —

որոշումների կենսագործման միջխարի նշա-
նակությունը մեր երկրի զարգացման ու բար-
գավաճման գործում, մեր երկրում պարենա-
մթերքների ու գյուղատնտեսական հումքի
առատություն ստեղծելու գործում, կոլխոզ-
նիկների նյութական ու կուլտուր-կենցաղա-
յին պայմանների բարելավման համար:

Դրա համար ամենից առաջ մեր ագիտա-
տորների խնդիրն է՝ բոլոր կոլխոզնիկների
գիտակցությանը հասցնել այն, որ 1949 թվի
պլանները միանգամայն ռեալ պլաններ են և
ներանց կատարումը մեր ուժերի ու հնարա-
վորությունների սահմաններումն է: Այդ տե-
սակետից ագիտատորների աշխատանքի մեջ
մեծ տեղ պետք է գրավի մեր անցյալ գյու-
ղատնտեսական տարվա պլանների բոլոր
գծերով կատարման ու գերակատարման ցու-
ցադրումը:

1948 թվին խոշոր նվաճումներ ձեռք բե-
րեց Սովետական Հայաստանի գյուղա-
տնտեսությունը: Գյուղատնտեսության հա-
մախառն արտադրանքը 1940 թվի մակար-
դակը գերազանցեց 30 տոկոսով: Ժամկետից
շուտ, 1948 թվին ռեսպուբլիկայի կոլխոզները
կատարեցին տեխնիկական կուլտուրաների
բամբակի, ծխախոտի և շաքարի ճակնդեղի
ցանքատարածությունն ընդարձակելու հնգամ-

— 11 —

յա պլանը: Բանջարաբուստանային կուլտու-
րաների և կարտոֆիլի ցանքատարածությու-
նը 1940 թվի համեմատությամբ համարյա
կրկնապատկվեց, իսկ բազմամյա խոտա-
բույսերի ցանքատարածությունն ավելացավ
60 տոկոսով, 1947 թվի համեմատությամբ
զգալի հաջողություններ են ձեռք բերվել
հացահատիկային կուլտուրաների, բամբա-
կի, ծխախոտի, խաղողի բերքատվությունը
բարձրացնելու գործում:

1948 թվին կոլխոզները կատարեցին ա-
նասնաբուծության զարգացման պետական
պլանը: Այս նվաճումները, որոնք արձա-
նագրված են ՀԿ(Բ)Պ Կենտկոմի 2-րդ պլե-
նումի որոշման մեջ, յուրաքանչյուր կոլխոզ-
նիկի սեփականությունը պետք է դառնան:

1948 թվին մեր գյուղատնտեսության մեջ
ձեռք բերած հաջողությունների մասին հան-
րագումարային տեղեկություններ հաղորդե-
լիս ամեն մի ագիտատոր տվյալ կոլխոզից,
կոլխոզնիկների կյանքից վերցրած օրինակ-
ներով ու փաստերով պետք է ամրապնդի ու
ավելի համոզեցուցիչ դարձնի իր ասածները:

Ագիտատորների առաջնահերթ խնդիրնե-
րից մեկը — դա գյուղատնտեսության առա-
ջավորների՝ բարձր բերքի վարպետների,
Սոցիալիստական Աշխատանքի Հերոսների

— 12 —

հարուստ փորձի լուրջ ուսումնասիրությունն
ու այդ փորձի մասսայականացումն է, կոն-
կրետ փաստեր և օրինակներ վերցնելով ինչ-
պես իրենց, այնպես էլ հարևան կոլխոզնե-
րից:

Ագիտատորները բարձր բերքի համար
մղվող պայքարը կապելով կոլխոզները կազ-
մակերպորեն ու տնտեսապես է՛լ ավելի
ամրապնդելու և կոլխոզների հանրային սե-
փականությունը բազմապատկելու խնդրի
հետ, միաժամանակ պետք է ցույց տան
այդ գործում յուրաքանչյուր ազնիվ ու
բարեխիղճ կոլխոզնիկի շահը: Օրինակ, Կո-
տայքի շրջանի Նորգյուղի կոլխոզի օղակա-
վարուհի Ռեդնիկ Հարությունյանի օղակը
1948 թվին յուրաքանչյուր հեկտարից միջին
հաշվով 21,14 ցենտներ բերք ստացավ, որի
հետևանքով վարձատրության նոր կարգի
համաձայն բարձրացավ օղակի աշխօրերի
քանակը — օղակավարուհուն՝ 120 աշխօրով,
օղակի անդամներ Ռոզա Իսրայելյանին՝ 72
և Մադիկ Մկրտչյանին՝ 55 աշխօրով: Գյու-
ղատնտեսության առաջավորների փորձը
մասսայականացնելիս ագիտակուլեկտիվների
ղեկավարները առանձնակի ուշադրություն
պետք է դարձնեն հոտ մնացող կոլխոզների,
բրիգադաների, օղակների վրա, ուսումնա-

— 13 —

սիրելիով նրանց ետ մնալու պատճառները, առաջավորների փորձի օրինակով օգնեն նրանց առաջ գնալու, դուրս գալու ճեղքվածքային վիճակից:

Ազիտատորները կոլխոզներում լայն կերպով պետք է կազմակերպեն սոցիալիստական մրցությունը: Հոկտեմբերյանի շրջանի Փոքր Շահրիար և Ղուզիգիդան գյուղերի կոլխոզներում այդ կոլխոզների պարտկազմակերպությունների ղեկավարությամբ ազիտատորները օգնում են կոլխոզնիկներին, բրիգադաներին և օղակներին սոցիալիստական մրցությունը ծավալելու գործում և գործնականում իրենց սիստեմատիկ աշխատանքներով նպաստում են վերցրած պարտավորությունները կյանքում կենսագործելուն: Պատահական չէ, որ հիշյալ երկու կոլխոզներն էլ ապահովված են բոլոր տեսակի սերմերով, վերանորոգված են գյուղատնտեսական բոլոր գործիքներն ու մեքենաները, լավ վիճակի մեջ է գտնվում կենդանի քաշող ուժը: Կոլխոզները լրիվ չափով ապահովված են քիմիական պարարտանյութերով և կատարված են տեղական պարարտանյութի դաշտ տեղափոխման պլանները:

Ղուզիգիդանում ազիտատորներ Գ. Ավետիսյանը, Գ. Հարությունյանը, Ա. Պետրոս-

յանը, Փոքր Շահրիարում ազիտատորներ Մ. Վասիլյանը, Վ. Պարսելյանը, Ա. Մեսրոպյանը և մյուսները ամեն օր կոլխոզնիկների հետ զրույց են անում ու թերթերի ընթերցանություն կազմակերպում՝ բացատրելով ՍՍՌՄ Մինիստրների Սովետի ու ՀամԿ(բ)Պ Կենտկոմի որոշումները զարնանացանի աշխատանքների կազմակերպման ու 1949 թվի մարտի 1-ից մասսայական սպառման ապրանքների պետական մանրածախ գների նոր իջեցման մասին, որոնք ոգևորում են մեր կոլխոզնիկներին և աշխատանքային մեծ խանդավառություն առաջ բերում ներանց մեջ:

Մերձարևադարձային պտղաբուծությունը զարգացնելու միջոցառումների հարցը ՀԿ(բ)Պ Կենտկոմի 2-րդ պլենումը քննության առաջ ՍՍՌՄ Մինիստրների Սովետի 1949 թվի փետրվարի 6-ի՝ «Հայկական ՍՍՌ կոլխոզներում և սովխոզներում մերձարևադարձային պտղաբուծությունը զարգացնելու միջոցառումների մասին» որոշման կապակցությամբ:

Ինչպես ՍՍՌՄ Մինիստրների Սովետը, նույնպես էլ ՀԿ(բ)Պ Կենտկոմի երկրորդ պլենումը իրենց որոշումներում նշեցին, որ մերձարևադարձային պտղաբուծության հա-

մար եղած նպատակովոր պայմանները մեզ
մոտ լրիվ կերպով չեն օգտագործվում: Մեր
ռեսպուբլիկայի նոյեմբերյանի, Իջևանի, Ա-
լավերդու, Շամշադինի շրջաններում, ինչպես
նաև Ղափանի, Գորիսի, Մեղրու, Սիսիանի,
Միկոյանի, Ազիզբեկովի, Կոտայքի և այլ
շրջանների միկրոշրջաններում հրաշալի պայ-
մաններ կան ձիթենի, նուռ, թուզ, ֆիստաշ-
կա, նուշ աճեցնելու համար: 1950—1955
թվերի ընթացքում ռեսպուբլիկայում 10 հա-
զար հեկտար տարածության վրա մերձա-
րեվադարձային պտղատու ծառեր պետք է
տնկվեն: Այդ Կուլտուրաների տարածումը
խոշոր տնտեսական նշանակություն կարող
է ունենալ մեզ համար: Ստացված արտա-
դրանքը վերամշակվելու է սննդի, ինչպես
նաև բժշկական և տեխնիկական նպատակ-
ներով օգտագործելու համար:

Այդ կարևոր միջոցառման կենսագործու-
մը ապահովելու նպատակով անհրաժեշտ է
հենց այս տարվանից ձեռնարկել պետա-
կան և կոլխոզային տնկարանային տնտե-
սությունների կազմակերպմանը՝ ռեսպուբլի-
կայի մերձարևադարձային պտղաբուծության
զարգացման շրջաններում: Խոշոր աշխա-
տանք պետք է կատարել նաև մասնագիտա-
կան և մատասյական կադրերի պատրաստ.

— 16 —

ման գծով: Այս տեսակետից հսկայական
խնդիրներ ու պարտականություններ են դր-
վում մեր համապատասխան շրջանների
պարտիական, սովետական և տնտեսական
կազմակերպությունների առաջ: Այդ խնդի-
րներն ու պարտականությունները հավասա-
րապես վերաբերում են նաև մեր ագիտա-
տորներին: Ագիտատորները, հենվելով սովե-
տական առաջավոր ագրոբիոլոգիայի վրա,
միջուրինյան ուսմունքի վրա, լայն ագիտա-
ցիա պետք է մղեն կոլխոզնիկների, կոլխոզ-
նիկուհիների, սովխոզների աշխատողների
մեջ, ցույց տալով մերձարևադարձային
պտղաբուծության զարգացման հնարավորու-
թյունն ու հեռանկարները մեզ մոտ, այդ
Կուլտուրաների նշանակությունը մեր տնտե-
սության զարգացման համար և հենց իրենց,
կոլխոզնիկների համար: 1949 թվի խըն-
դիրների լավագույն կատարման շուրջը բոլ-
շևիկյան ագիտացիայի կազմակերպումը
մեր գյուղական ագիտատորների առաջնա-
հերթն ու մարտական խնդիրն է:

446-52

ԱԳԻՏԱՏՈՐ ԱԶԱՏ ՄԱՆՈՒԿՅԱՆԻ ԱՇԽԱՏԱՆՔԻ ՓՈՐՁԻՑ

Ազատ Մանուկյանը Ախուրյանի շրջանի Այգեբաջ գյուղի լավագույն ազիտատորներից է: Կոլխոզնիկները նրա կազմակերպած զրույցներին հաճախում են մեծ հետաքրքրությամբ, ակտիվորեն մասնակցում են զրույցին, արտահայտվում քննարկվող հարցի վերաբերյալ, անում իրենց դիտողություններն ու առաջարկությունները: Դրա պատճառն այն է, որ ազիտատոր Մանուկյանը իր յուրաքանչյուր զրույցի համար ընտրում է տվյալ ժամանակի ամենահրատապ մեկ, կամ երկու հարց և խնամքով, բազմակողմանիորեն նախապատրաստվում զրույցին: Ելնելով իր բազմամյա փորձից, Մանուկյանը լավ գիտի, որ որքան էլ հետաքրքիր ու առօրյա լինի քննարկվող թեման, նրա շուրջը կազմակերպված զրույցը աշխուժ չի անցնի և հարկ եղած արդյունքը չի տա, եթե զրույցի ժամանակ չխոսվի տեղական, կոլխոզնիկներին ծանոթ հարցերի մասին: Եվ մեծ փորձի տեր ազիտատորը յուրաքանչյուր անգամ

— 18 —

կարողանում է իր զրույցների ժամանակ օգտագործել իրենց կոլխոզի կյանքից վերցրած փաստերը:

Բերենք մի քանի օրինակներ:

Փետրվարի 11-ի իր զրույցի համար Մանուկյանը ընտրել էր այն հարցը, թե գյուղատնտեսության բերքատվության բարձրացման գործում ինչպիսի մեծ նշանակություն ունեն դաշտապաշտպան անտառաշերտերը: Նա իր զրույցն սկսեց այսպես.

— Ռուս մեծ գիտնականներ Դոկուչաևը, Վիլյամսը, Միշուրինը իրենց ստեղծած գիտությամբ մեզ սովորեցնում են, որ գյուղատնտեսական կուլտուրաների բերքատվության բարձրացման, կայուն բերք ստանալու համար անհրաժեշտ է ստեղծել և կիրառել ագրոնոմիական միջոցառումների լրիվ կոմպլեքս, այսինքն՝ պետք է ստեղծել դաշտապաշտպան անտառաշերտեր, ջրային տեղական ռեսուրսների հիման վրա պատրաստել լճակներ, ջրամբարներ, կատարել խոտադաշտային ճիշտ ցանքաշրջանառություն և այլն:

Փորձով հաստատված է, որ անտառաշերտերը դաշտը պաշտպանում են ամռան չոր, տաք և ուժեղ շարժվող օդի հոսանքների՝ քամիների ազդեցությունից, կոտրում են ե-

— 19 —

րաշտ առաջացնող այդ քամիների թափը և վերջնականապես թուլացնում նրանց: Բացի այդ, ծառաբույսերն իրենց տերևներով գոլորշիացնում են հողի խորը շերտերում եղած առատ ջրալաշարից մեծ քանակությամբ ջուր և այդպիսով խոնավացնում օդը: Իսկ ձմռանը անտառաշերտերը դաշտում կուտակված են պահում ձյունը:

Մեր Միության շատ առաջավոր շրջաններում, որտեղ լրիվ իրացված է խոտադաշտային ցանքաշրջանառությունը, ստեղծված են դաշտապաշտպան անտառաշերտեր, շեշտակի կերպով բարձրացել է հացահատիկային կուլտուրաների բերքատվությունը: Այսպես, Ռոստովի մարզի Սալսկի շրջանի կոլխոզներում, որտեղ անց է կացված խոտադաշտային ճիշտ ցանքաշրջանառություն և ստեղծված են անտառաշերտեր, 1946 թվի ուժեղ երաշտի պայմաններում անգամ հեկտարից ստացվեց 16—18 ցենտներ հացահատիկի բերք: Իսկ հարևան կոլխոզներում, ուր չէր անցկացված խոտադաշտային ցանքաշրջանառություն և չկային անտառաշերտեր, 2—3 անգամ պակաս բերք ստացվեց:

Անտառաշերտերի ունեցած խոշոր նշանակության մասին օրինակներ կարելի է բերել նաև մեր շրջանից: Մեր, Ախուրյանի շրջանի

— 20 —

Ճակնդեղի գոնալ կայանի գիտական աշխատող ընկեր Սուբիասյանի ուսումնասիրությունները ցույց են տալիս, որ շրջանի այն կոլխոզներում, ուր հացահատիկի, կամ ճակնդեղի ցանքը պաշտպանվում է ծառատունկերով, այնտեղ բերքն զգալի չափով բարձր է ստացվում: Այսպես, օրինակ, Հացիկ գյուղի կոլխոզի այգեգործական օղակը, որի օղակավարն է Սիմոն Մանուկյանը, 1948 թվին այգու միջշարքային տարածություններում կատարեց 7 հեկտար շաքարի ճակնդեղի, 1,3 հեկտար կարտոֆիլի և 3 հեկտար բանջարանոցային կուլտուրաների ցանք: Չնայած անցյալ տարվա կլիմայական անբարենպաստ պայմաններին, Մանուկյանի օղակն իր մշակած այդ հողամասից 2 անգամ ավելի բերք ստացավ, քան ստացվեց բաց դաշտերում կատարված ցանքսից:

Ելնելով այս բոլորից, — ասում է ագիտատորը, — վստահ կերպով կարելի է ասել, որ հենց միայն դաշտապաշտպան անտառաշերտերի ստեղծումով մեր շրջանի կոլխոզները, այդ թվում և մեր կոլխոզը, մեծ չափով կբարձրացնեն իրենց դաշտերի բերքատվությունը:

Ագիտատորը մի պահ լռում է. կոլխոզնիկ Արիստակես Ոսկանյանը հարցնում է.

— 21 —

— Իսկ ի՞նչն է խանգարում մեզ անտառաշերտեր տնկելու. թող կոլխոզը որոշի, կտնկենք:

— Ճիշտ ես, ընկեր Ոսկանյան,— պատասխանում է ագիտատորը,— մեզ ոչ մի բան չի խանգարի անտառաշերտեր ստեղծելու համար: Ձեզ պետք է հայտնեմ, որ մեր ռեսպուբլիկայի Կառավարության որոշմամբ 1949-ից մինչև 1952 թվականը մեր շրջանի կոլխոզային դաշտերում ստեղծվելու են 500 հեկտար դաշտապաշտպան անտառաշերտեր: Շրջանային Սովետի գործկոմի որոշմամբ այս տարվանից սկսվելու է անտառաշերտերի տնկումը: Մեր կոլխոզի վարչությանը արդեն ակտով առանձնացրել է հողամաս, որի վրա տնկվելու է դաշտապաշտպան անտառաշերտը:

Ագիտատորի այս վերջին հայտարարությանը մեծ աշխուժացում է առաջ բերում կոլխոզնիկների մեջ. նրանք սկսում են խոսել այն մասին, թե որքան հարմար է այդ հողամասը անտառաշերտի համար, ինչպես և ինչպիսի ծառեր պետք է տնկել, որ լավ աճեն և այլն:

Ագիտատոր Ա. Մանուկյանի աշխատանքից բերենք մի օրինակ ևս:

— 22 —

Վերջին մի քանի զրույցների ընթացքում ես իր թաղամասի կոլխոզնիկների մեջ մասնաշաղկապանալով եմ «Կոլխոզները, ՄՏ կայանները և սովխոզները դարձնանք նախապատրաստելու ընթացքի մասին» ՍՍՌՄ Մինիստրների Սովետի և ՀամԿ(Բ)Պ Կենտկոմի որոշումը:

— Դաշտում ձյունը կուտակվելու վերաբերյալ մեր կառավարության և պարտիայի պահանջը լավագույն կերպով են կիրառում օդակավարներ Արմենակ Կիրոյանի, Արտո Սուլթանյանի, Արիստակես Ոսկանյանի օդակները,— ասում է նա: Այդ օդակները 2—3 օրում ձյուն են կուտակել 25—30 հեկտարի վրա, իրենց առաջադրանքները կատարելով 150—200 տոկոսով: Դարձանալով նաև մեր կոլխոզի անասնապահները: Նրանցից՝ Թեմո Կուրդինյանը, Լևոն Ղավազյանը և արտասահմանից Սովետական Հայաստան վերադարձած Մանուկ Դումանյանը իրենց հանձնրված անասուններին լողացրել են 4 անգամ, եզները գեր են և առույգ: Իսկ դուք, ընկեր Սարգիս Կարապետյան և Արզար Բեգչանյան, դեռ միայն երկու անգամ եք լողացրել ձեր անասուններին, լավ չեք խնամում, դրա համար էլ նրանք նիհար են:

— 23 —

ՍՍՌՄ Մինիստրների Սովետի և ՀամԿ(բ)Պ
 Կենտկոմի որոշման մասսայականացումից
 հետո ազիտատոր Ա. Մանուկյանը կոլխոզի
 4-րդ և 5-րդ բրիգադաների կոլխոզնիկներին
 խորհուրդ տվեց սոցիալիստական մրցու-
 թյան մեջ մտնել դարնանացանը սեղմ ժամ-
 կետներում և բարձր որակով կատարելու
 համար: Բրիգադաները համաձայնվեցին և
 ազիտատորի օգնությամբ կնքեցին սոցիա-
 լիստական մրցության պայմանագիր: Չոր-
 րորդ բրիգադան պարտավորություն վերցրեց
 այս տարվա դարնանացանը կատարել 3
 աշխատանքային օրում, մինչև մարտի 20-ը
 ավարտել դաշտերի պարարտացումը, 2
 հեկտար խոպան հողամաս դարձնել վարե-
 լահող, 20 հեկտար ցանք ոռոգել ձնհալից և
 անձրևներից գոյացած ջրերով: Բրիգադան
 պարտավորվեց իր հացահատիկային կուլ-
 տուրաների ցանքադաշտերի յուրաքանչյուր
 հեկտարից ստանալ 16,3 ցենտներ միջին
 բերք, պլանով տրված 14,8 ցենտների փո-
 խարեն:

Նույնպիսի բարձր պարտավորություններ է
 վերցրել նաև 5-րդ բրիգադան: Երկու բրի-
 գադաներում էլ եռուն աշխատանք է ծավալ-
 ված վերցրած պարտավորությունները պատ-
 վով կատարելու համար: Վ. ՆՈՐՅԱՆ

ԻՆՉՊԵՍ ԵՄ ԵՍ ՄԱՍՍԱՅԱԿԱՆԱՅՆՈՒՄ ՀԿ(Բ)Պ 14-ՐԴ ՀԱՍԱԳՈՒՄԱՐԻ ՈՐՈՇՈՒՄՆԵՐԸ

Չորրորդ տարին է, ինչ ես Հայկական
 ՍՍՌ Առողջապահության մինիստրության
 սկզբնական պարտկազմակերպության հանձ-
 նարարությամբ ազիտացիոն - մասսայական
 աշխատանք եմ տանում տնտեսուհիների
 մեջ: Այժմ ես պարապում եմ Երևանի Չա-
 փարիձեի փողոցի № 10 և 12 տների տըն-
 տեսուհիների հետ: Իմ ունկնդիրները տար-
 բեր տարիք ունեն. կան և ծերեր, և՛ միջին
 տարիքի և՛ երիտասարդ կանայք. բայց այս
 ինձ չի խանգարում, որպեսզի ես կարողա-
 նամ պարապմունքն անցկացնել այնպես, որ
 այն հասկանալի, հետաքրքիր ու մատչելի
 լինի բոլոր ունկնդիրների համար: Ամեն ինչ
 կախված է նրանից, թե ինչպես ազիտատո-
 րը կկազմակերպի և կանցկացնի տարբեր թե-
 մաների վերաբերյալ իր պարապմունքները:

Պարզ բան է, եթե ազիտատորն իր պարտա-
մունքներն անցկացնի միայն մեր պար-
տիայի և կառավարութեան որոշումների ըն-
թերցմամբ, կամ ընդհանուր խոսքերով եր-
կար զեկուցումներ կարդա, ապա որքան էլ
որ կարևոր լինեն այդ որոշումները, միևնույն
է տնային տնտեսուհին չի կարողանա ըմ-
բռնել նրանց իմաստն ու նշանակությունը:
Անհրաժեշտ է, որպեսզի տնային տնտեսու-
հիներին այդ որոշումները բացատրվեն նը-
րանց համար մատչելի լեզվով, կյանքից
վերցրած կոնկրետ օրինակներով ու փաստե-
րով: Այդ բանը ազիտատորը հնարավորու-
թյուն ունի անելու, քանի որ մեր պարտիայի
և կառավարութեան բոլոր որոշումները բխում
են հենց մեր կյանքից, ցույց են տալիս ինչ-
պես արդեն ձեռք բերած նվաճումները, այն-
պես և մեր նոր կյանքի կառուցման հեռա-
նկարները: Ազիտատորին մնում է միայն,
ինչպես ասում են, բաց անել փակագծերը և
իր ունկնդիրներին ծանոթ օրինակներով
պարզաբանել այդ որոշումները:

Որպես օրինակ վերցնենք ՀԿ(Բ)Պ 14-րդ
համագումարի որոշումների մասսայականա-
ցումը: ՀԿ(Բ)Պ Կենտկոմի աշխատանքի մա-
սին ընկ. Գր. Հարությունյանի հաշվետու
զեկուցման առթիվ 14-րդ համագումարի ըն-

— 26 —

դունած բանաձևը, որտեղ նշված են ինչպե՞ս
հաշվետու շրջանում ռեսպուբլիկայի ձեռ-
քերած նվաճումները, այնպես և հետագա
անելիքները, նույնպես գրված է սեղմ, որոշ-
ման լեզվով: Բայց տնտեսուհիների մեջ ա-
զիտացիոն-մասսայական աշխատանք տա-
նելու ինչպիսի՞ հսկայական, հետաքրքիր
նյութ է պարունակում այդ բանաձևը: Եվ իմ
անձնական փորձից ելնելով ես կարող եմ
ասել, որ 14-րդ համագումարի այդ որոշում-
ները բուռն հետաքրքրությամբ են լսում տը-
նային տնտեսուհիները: Համագումարի բա-
նաձևը ես մասսայականացնում եմ ոչ թե
ընդհանուր առմամբ խոսելով, թե ինչ որո-
շեց համագումարը, այլ կետ առ կետ կար-
գալով, կյանքից վերցրած կոնկրետ օրինակ-
ներով այն բացատրում եմ ունկնդիրներին:

Այսպես, օրինակ, ՀԿ(Բ)Պ 14-րդ համա-
գումարի վերոհիշյալ բանաձևի 2-րդ կետում
խոսվում է մեր ռեսպուբլիկայի արդյունա-
բերության զարգացման հիմքը հանդիսացող
էլեկտրաարդյունաբերության զարգացման
մասին: Այս կետը բացատրելիս, ես նախ և
առաջ մի փոքր ծանոթացում տվի, որ ար-
դյունաբերության զարգացման համար ան-
հրաժեշտ է վառելանյութ ունենալ, իսկ մեր
ռեսպուբլիկան վառելանյութի այդպիսի բը-

— 27 —

նական պաշարներ համարյա թե չունի, իսկ դրսից բերելը շատ թանկ կնստի: Բայց դրա փոխարեն ռեսպուբլիկան ունի էներգիայի մի անսպառ աղբյուր՝ Սևանա լճի ջրերը, որոնք դարերով անօգտագործելի մնացել են լեռների մեջ: Եվ ապա բացատրեցի, որ սովետական կառավարությունը որոշել է այդ ջրերի ուժը օգտագործել էլեկտրական էներգիա ստանալու համար, որի համար էլ Զանգու գետի վրա կառուցվելու են մի շարք էլեկտրակայաններ և որ նրանցից երեքի տեղաված էներգիան մենք արդեն օգտագործում ենք: Ապա պատմեցի նորակառույց հիդրոկայանների՝ Սևանի լճալիճ կայանի և Գյուլմուշգէսի մասին: Աստիճանաբար այս խոշոր հարցի վերաբերյալ զրույցը ես մոտեցրի առօրյա կյանքին և օրինակներ բերի, թե ինչ կտա յուրաքանչյուր աշխատավորի մեր նորակառույցների արտադրած էլեկտրական էժան էներգիան: Զրույցի այս մասում տնտեսուհիներն սկսեցին ինձ բազմաթիվ հարցեր տալ:

Բայց տնային տնտեսուհիները ոչ միայն իրենց անմիջական առօրյայի վերաբերյալ հարցեր էին տալիս, այլև հետաքրքրվում էին պետական խոշոր նշանակություն ունեցող հարցերով: Այսպես, օրինակ, Եսփեր

— 28 —

Արևշատյանը անհանգստացած հարցրեց. «Հապա ափսոս չի՞ Սևանա լիճը, որ չորացնում են»: Ես պատասխանեցի, որ այն ոչ թե չորացնում են, այլ 50 տարվա ընթացքում կփոքրանա նրա մակերեսը և փոքր մակերեսի Սևանը կմնա որպես մշտական էներգիայի աղբյուր՝ ռեսպուբլիկայի համար:

Իսկ Յոդիկ Կարապետյանը հարցրեց, թե իսկ ի՞նչ են լինելու հիդրոէլեկտրակայանների օգտագործած ջրերը: Երբ ես բացատրեցի, որ այդ ջրերը կոռոզեն ռեսպուբլիկայի անջրտի հողերը, ապա ունկնդիրները մեծ գոհունակությամբ արտահայտվեցին պարտիայի համագումարի այդ որոշման վերաբերյալ:

Կամ թե վերցնենք պարտիայի 14-րդ համագումարի որոշումներից այնպիսի բնագավառ, ինչպիսին է գիտության բնագավառը: Առաջին հայացքից թվում է, թե տնային տնտեսուհիները շատ հեռու են կանգնած այդ բնագավառից: Բայց իրականության մեջ այդ այդպես չէ: Ահա մի օրինակ: Համագումարի բանաձևի 20-րդ կետում ասված է.

«Հայաստանի կոմունիստական (բոլշևիկների) պարտիայի 14-րդ համագումարը հանձնարարում է Հայկական ՍՍՌ Գիտությունների Ակադեմիային, գիտահետազոտա-

— 29 —

կան ինստիտուտներին և սելեկցիոն կայան-
ներին՝ մինչև վերջը վերակառուցել իրենց
աշխատանքը վիլյամսի—Միշուրինի—Լիսեն-
կոյի սովետական առաջավոր ագրոքիոլո-
գիական գիտության հիման վրա՝ ռեսպուբլի-
կայի գյուղատնտեսության առաջ դրված
հրատապ խնդիրները լուծելու համար։

Պարզ է, եթե բանաձևի այս կետը ես այս-
պես կարգայի և անցնեի, իմ ունկնդիրները
դժվար թե հասկանային նրա ամբողջ էու-
թյունը։ Ես այն բացատրեցի այսպես. նախ
ունկնդիրներին ծանոթացրի, թե ովքեր են
գիտնականներ՝ վիլյամսը, Միշուրինը, Լի-
սենկոն, կոնկրետ օրինակներ բերի նրանց
կատարած աշխատանքներից և ապա պատ-
մեցի, թե ինչպես նրանց ստեղծած գիտու-
թյան հիման վրա մեր ռեսպուբլիկայում տա-
րածվում են գյուղատնտեսական նոր թանկ-
արժեք կուլտուրաներ և հատկապես այնպի-
սի շրջաններում, ուր նախկինում անհնարին
էր համարվում այդ բույսերի աճումը։ Իմ այս
պարապմունքը զուգադիպեց այն բանին, որ
Հայաստանում սովետական կարգերի հաս-
տատման 28-րդ տարեդարձի առթիվ Երևա-
նում կազմակերպվեց ռեսպուբլիկայի նվա-
ճումները ցույց տվող ցուցահանդես։ Ես իմ
խմբակի անդամներին էքսկուրսիա տարա-

— 30 —

այդ ցուցահանդեսը և ցույց տվի գյուղա-
տնտեսական կուլտուրաների այն նոր տե-
սակները, որոնք մեր կոլխոզներն ստացել
են առաջնորդվելով միշուրինյան առաջավոր
բիոլոգիայի ուսմունքով։

Համագումարի որոշումները մասսայակա-
նացնելիս իմ ունկնդիրների ինձ տված բազ-
մաթիվ հարցերի պատասխանը ես տվի ցու-
ցահանդեսում։ Այնտեղ նրանք տեսան, թե
հետպատերազմյան ժամանակաշրջանում
մեր ռեսպուբլիկայի արդյունաբերությունն
ինչպիսի բազմապիսի բարձրորակ ապրանք-
ներ է արտադրում և ցուցադրված դիադրա-
մաներից ու թվերից պարզ պատկերացրին,
թե ինչպիսի խոշոր չափերի կհասնի այդ
ապրանքների արտադրությունը ստալինյան
նոր հնգամյակի կատարմամբ։

Ք. ՀԱՅՐԱՊԵՏՅԱՆ

ԴՐՈՒԹՅՈՒՆԸ , ԶԻՆԱՍՏԱՆՈՒՄ

(Տեղեկագիր)

Զինաստանում տիրող ժամանակակից դրությամբ բնութագրվում է ներքին ունակության և նրա ամերիկյան ոգեշնչողների դեմ չին ժողովրդի տարած նոր, խոշոր հաղթանակներով:

Կոմունիստական պարտիայի ղեկավարությամբ Զինաստանի դեմոկրատական ուժերը ունակության դեմ իրենց ազգային-ազատագրական շարժումն սկսեցին դեռևս 1931 թվին, պատերազմ մղելով ճապոնական իմպերիալիզմի դեմ այն ժամանակ, երբ գոմինդանական ունակության համաձայնություն էր փնտրում նրանց հետ: Գոմինդանական ունակության, 1933 թվին ճապոնացիների հետ հաշտություն կնքելով, իր ամբողջ ուժերը ուղղեց ժողովրդա-ազատագրական շարժման և նրա պանծալի, հերոսական բանակի դեմ, որոնք ազատագրել ու իրենց ձեռքն էին պահում երկրի մի շարք շրջանները:

1946 թվի հուլիսին, գոմինդանի ունակությունը կազմալուծվելու, ամերիկյան իմպերիալիստների օգնությամբ, մերժելով չինական կոմունիստական պարտիայի և մյուս դեմոկրատական կազմակերպություն-

— 32 —

ների՝ Զինաստանի հետպատերազմյան վերակառուցման հարցերի խաղաղ ճանապարհով լուծելու վերաբերյալ առաջարկությունը, զինված հարձակում ձեռնարկեց երկրի ազատագրական դեմոկրատական շրջանների դեմ, շրջաններ, որոնք ստեղծվել էին չինական ժողովրդի հերոսական ուժերով, ճապոնական զավթիչների դեմ մղված պայքարի ընթացքում: Գոմինդանականներն այն ժամանակ հարձակման մեջ նետեցին չորս միլիոնանոց բանակ, որը լի ու լի մատակարարված էր ամերիկյան սպառազինությամբ և հանդերձանքով և իր կազմում ուներ ամերիկյան զինվորական խորհրդատուներ: Իսկ ժողովրդա-ազատագրական բանակի զորքերի թիվն այն ժամանակ մեկ միլիոն 200 հազար զինվորից չէր անցնում և նրանք թույլ էին զինված:

Չնայած ուժերի այսպիսի անհավասարության, չինական ունակության հարձակումը լրիվ ձախողման ենթարկվեց: Հենվելով ժողովրդական ամենալայն մասսաների վրա, ժողովրդա-ազատագրական զորքերը, չինական կոմունիստական պարտիայի ղեկավարությամբ, հետ մղեցին գոմինդանական զորքերի հարձակումները և ստիպեցին նրանց 1947 թվի կեսերին ճակատի մեծ մասում անցնել պաշտպանության: Մեկ տարվա մարտերի ընթացքում գոմինդանականները կորցրեցին ավելի քան մեկ միլիոն 200 հազար սպանված, վիրավոր և գերի:

Այն ժամանակ, երբ գոմինդանական բանակի ու-

— 33 —

ժերը նվազում էին, ժողովրդա-ազատագրական ջո-
րերի ուժերը գնալով անընդհատ աճում էին: Հարյուր-
հազարավոր լին հայրենասերներ մտնում էին նրա
շարքերը: Նրանց սպառազինումն զգալիորեն բարե-
լավվեց շնորհիվ ազատագրված շրջանների արդյու-
նաբերության և ի հաշիվ կռվի ընթացքում վերցված
հարուստ ռազմամատերի:

1947 թվի աշնանը ժողովրդա-ազատագրական
զորքերը պաշտպանությունից անցան հակահարձակ-
ման և իրենց ձեռքը վերցրին նախաձեռնությունը:
Հարձակողական հաջող գործողությունների հետևան-
քով 1947 թվի օգոստոս ամսից մինչև 1948 թվի
հուլիսը ժողովրդա-ազատագրական բանակը գոմին-
դանականներից ազատագրեց համարյա ամբողջ
Մանջուրիան և Արևելյան Չինաստանի տերիտորիայի
մեծ մասը՝ Յանցզի գետից հյուսիս: Հարավային Չի-
նաստանում ժողովրդա-ազատագրական զորքերը
պաշտպանում էին գոմինդանականների հարձակում-
ներից ազատագրված պարտիզանական շրջանները:
1948 թվի օգոստոսի 1-ին ազատագրված շրջաններն
արդեն զբաղեցնում էին 2 միլիոն 355 հազար բառա-
կուսի կիլոմետր տարածություն (ամբողջ երկրի տե-
րիտորիայի 24,5 տոկոսը) ավելի բան 168 միլիոն
ազգաբնակչությամբ, կամ թե Չինաստանի ազգա-
բնակչության մոտ 37 տոկոսը:

Սակայն գոմինդանականների ձեռքում դեռ մնում
էին այդ շրջանների բնակիչի և արդյունաբերական

— 34 —

խոշոր կենտրոնները: Գոմինդանական հրամանատա-
րության (և նրա ամերիկյան խորհուրդատուների)
նոր ստրատեգիական պլանը կայանում էր նրանում,
որպեսզի իր ձեռքում պահի այդ քաղաքները և Հյու-
սիսային Չինաստանի ստրատեգիական պլացդարմնե-
րը Մանջուրիայում: Գոմինդանական հրամանատա-
րությունը ենթադրում էր, քանի որ հիշված շրջաննե-
րում կենտրոնացված է գոմինդանական բոլոր զին-
ված ուժերի կեսից ավելին՝ մինչև 2 միլիոն մարդ,
ապա ժողովրդա-ազատագրական բանակները չեն
համարձակվի մոտիկ ժամանակներս նրանց դեմ ձեռ-
նարկելու լայն հարձակումներ. այսպիսով, դադար
առնելով, գոմինդանական զորքերը կկարողանան ի-
րենց կարգի բերել նոր հարձակման անցնելու հա-
մար:

Բայց գոմինդանական հրամանատարության հույ-
սերը չարդարացան: Նրա նոր ստրատեգիական պլա-
նը խորտակվեց այնպես, ինչպես և նախորդները:
Գոմինդանական բզկտված զորքերին ժամանակ շտա-
յով հանգստի համար, ժողովրդա-ազատագրական
զորքերը 1948 թվի սեպտեմբերին, Չինաստանի կո-
մունիստական պարտիայի կենտրոնական կոմիտեի
նախագահ Մաո-Յզե-դոնի և ժողովրդա-ազատա-
գրական բանակների գլխավոր հրամանատար Չու
Դեի ղեկավարությամբ նոր հարձակում սկսեցին,
որի ընթացքում մի շարք խորտակիչ հարվածներ
հասցրին գոմինդանական զորքերին:

— 35 —

Աշխանային մարտերը բնորոշ էին նաև նրանով, որ հաճախակի էր դարձել գոմինդանական զորքերի ամբողջ միավորումների՝ ժողովրդա-ազատագրական զորքերի կողմն անցնելը: Շնորհիվ կամավորների անընդհատ հոսանքի, ժողովրդա-ազատագրական զորքերի շարքերը շարունակ աճում են. նրանց կանոնավոր զորքերի թիվն արդեն անցնում է երեք միլիոնից, այն ժամանակ, երբ գոմինդանական զորքերի թիվը արդեն 1948 թվի հոկտեմբերին նվազել էր և հասել 2 միլիոն 900 հազար մարդու և գնալով ավելի ու ավելի է կրճատվում:

Ժողովրդա-Ազատագրական բանակի սպառազինությունը, հարուստ ռազմավարի գրավման հետևանքով շեշտակի կերպով լավացել է: Ամերիկյան մամուլը և ԱՄՆ-ի առանձին ներկայացուցիչներն ստիպված են խոստովանել, որ 1944-1948 թվերին գոմինդանական զորքերին տրված ամերիկյան սպառազինության կեսից ավելին այժմ գտնվում է ժողովրդա-ազատագրական բանակի ձեռքում: Մամուլի տեղեկություններով չինական ռեակցիային ԱՄՆ-ի տված այդ օգնությունը կազմում է մոտավորապես վեց միլիարդ դոլլար:

Վերջին ամիսների ընթացքում Չինաստանի ժողովրդական բանակը, գոմինդանական ռեակցիայի և ամերիկյան էքսպանսիոնիստների դեմ մղվող պատերազմում փայլուն հաջողությունների է հասել: Գոմինդանականները դուրս են վճռված Մանչուրիայից:

— 36 —

Ժողովրդա-ազատագրական բանակը գրավել է Հյուսիսային և Կենտրոնական Չինաստանի ստրատեգիական կարևոր կետեր՝ Յզինան, Կայֆին, Բաոդին, Չժենչժոու, Սույչժոու, Բենպու քաղաքները: Ազատագրված է Հյուսիսային Չինաստանի խոշորագույն տնտեսական կենտրոն Տյանցզինը և Չինաստանի նախկին մայրաքաղաք Բեյպինը: Այժմ ժողովրդա-ազատագրական բանակի զորամասերն առաջ շարժվելով Տյանցզին-Պուկոուսկյան երկաթուղու երկարությամբ, կենտրոնանում են Ցանցզի գետի հյուսիսային ափին, Նանկինի, Խանկոուի և Շանհայի նահամատույցներում: Ազատագրված քաղաքների բընակչությունը ժողովրդա-ազատագրական բանակի զորքերին հանդիսավոր կերպով է դիմավորում:

Չինաստանի ժողովրդա-ազատագրական բանակի գլխավոր շտաբի վերջերս հրապարակված կոմյունիկելում ասված է, որ երկու ու կես տարվա պատերազմական գործողությունների ընթացքում գոմինդանական զորքերի կորուստները կազմել են 4,5 միլիոն մարդ, որոնցից 71 տոկոսը կազմում են կանոնավոր բանակի զորքերը: Այդ նույն ժամանակում գերի է վերցվել գոմինդանական կանոնավոր զորքերի ավելի քան 2 միլիոն 693 հազար զինվոր ու սպա: Պատերազմական գործողությունների երկու ու կես տարվա ընթացքում սպանվել, գերի է վերցվել, կամ գերի է հանձնվել դիվիզիայի հրամանատարի և ավելի քարձր աստիճան ունեցող գոմինդանական 869

— 37 —

գեներալ: Այդ նույն ժամանակաշրջանում ժողովրդա-
ազատագրական բանակն ազատագրել է մոտ 300
հազար քառակուսի կիլոմետր տարածություն՝ մոտ
55 միլիոն բնակչությամբ: Այսպիսով ազատագրված
շրջանների տերիտորիան հասել է 2 միլիոն 580 հա-
զար քառակուսի կիլոմետրի, իսկ բնակչության թիվը
190 միլիոնից անցել է: Երկու ու կես տարվա ընթաց-
քում ժողովրդա-ազատագրական բանակն ազատագրել
է 270 քաղաք և գավառական կենտրոն: Այդպիսով
ժողովրդա-ազատագրական բանակն ընդհանուր առ-
մամբ ազատագրել է 737 քաղաք և գավառական
կենտրոն:

Պատերազմական գործողությունների երկու ու կես
տարվա ընթացքում ժողովրդա-ազատագրական բա-
նակը գրավել է ավելի քան մեկ միլիոն 480 հազար
հրացան և ատրճանակ, ավելի քան 170 հազար գըն-
դացիր, ավելի քան 30 հազար հրանոթ, ավելի քան
2 միլիոն 280 հազար արկ, ավելի քան 226 միլիոն
փամփուշտ, ավելի քան 1 միլիոն 900 հազար ձեռքի
նռնակ, 38 ինքնաթիռ, 242 տանկ, 214 զրահապատ
ավտոմեքենա, 772 շոգեքարշ և ավելի քան 9 հազար
300 ավտոմեքենա:

Այսպիսով, ժողովրդա-ազատագրական շարժման
հուժկու ծավալումը, նրա զինված ուժերի հաղթա-
կան առաջընթացը կատաստրոֆի առաջ կանգնեցրե-
ցումինդանական ռեակցիոն իշխանությանը, ի դեր
հանելով ամերիկյան ռեակցիայի հույսերը: Ինչպե՞ս

— 38 —

հայտնի է՝ Չան-Կայ-շին թուել է Ֆինխուա, իր
բավարը, պրեզիդենտական իրավունքները հան-
րով լի ծզուն-ժենին: Մինչև այժմ դեռ հայտնի
չէ Չան-Կայ-շին հեռացումը. հանդիսանում է արդյո՞ք
պրեզիդենտի պոստից հրաժարում, թե այն զգործ-
րից որոշ ժամանակով մի կողմ քաշվել է միայն
նշանակում: Համենայնդեպս լի ծզուն-ժենը, Չան-
Կայ-շին մեկնումից հետո Չինաստանի կոմունիստա-
կան պարտիայի հետ հաշտություն կնքելու ակտիվ
նախապատրաստություն սկսեց:

Հունվարի կեսերին Չինաստանի կոմունիստական
պարտիայի Կենտրոնական կոմիտեի նախագահ Մաո
Յզե դուր հայտարարություն արեց Չինաստանի ըն-
թացիկ դրության մասին: Հայտարարության մեջ աս-
ված է. «Ժողովրդա-ազատագրական բանակին մնում է
միայն մի բանի հարված հասցնել՝ գոմինդանական
մնացած զորքերին և գոմինդանի ամբողջ ռեակցիոն
կառավարող ասպարատը հողմացրել կլինի»:

«Չինաստանի ժողովրդա-ազատագրական բանակը
բավականաչափ ուժ և հիմք ունի վերջնականապես
ոչնչացնելու գոմինդանի ռեակցիոն կառավարության
մնացած բոլոր զինված ուժերը ամենամոտ ապագա-
յում»:

Սակայն պատերազմը ամենաարագ կեֆպով ավար-
տելու, իսկական խաղաղություն հաստատելու և ժո-
ղովրդական մասսաների տառապանքները թեթևացնե-
լու համար, Չինաստանի կոմունիստական պարտիան

— 39 —

Գործնական է հաշտութեան բանակցութիւններ նկատել
Նանկինի գումինդանական ռեակցիոն կառավարու-
թյան, կամ գումինդանական ամեն մի այլ տեղական
կառավարութեան, կամ ռազմական բլոկի հետ հետե-
յալ պայմանների հիման վրա.

1. Պատժել պատերազմի հանցագործներին. 2.
Վերացնել սնամեջ կոնստիտուցիան. 3. Վերացնել
օրինականութեան տրադիցիոն ինստիտուտները, որոնք
սահմանել է գումինդանը. 4. Վեոակառուցել բոլոր
ռեակցիոն բանակները դեմոկրատական սկզբունքնե-
րին համապատասխան. 5. Բռնագրավել բյուրոկրա-
տական կապիտալը. 6. Ռեֆորմի ենթարկել ագրարա-
յին սխտեմը. 7. Վերացնել դավաճանական պայմա-
նագրերը. 8. Հրավիրել Քաղաքական կոնսուլտատիվ
խորհուրդ, առանց ռեակցիոն տարրերի մասնակցու-
թյան՝ նպատակ ունենալով ստեղծել դեմոկրատական
կոալիցիոն կառավարութիւն, ընդունել ամբողջ իշ-
խանութիւնը Նանկինի գումինդանական ռեակցիոն
կառավարութիւնից և նրա տեղական իշխանութեան
օրգաններից:

Այս պայմանների հիման վրա Չինաստանի կոմու-
նիստական պարտիայի հետ բանակցութիւններ վա-
րելու համար չի Յզուն-ժեն նշանակել է կառավարա-
կան պատգամավորութիւն: Կոմունիստական պար-
տիան նույնպէս նշանակել է իր պատգամավորու-
թիւնը:

Սակայն լավ գիտենալով պատերազմի հանցագործ

— 40 —

և չին ժողովրդի թշնամի Չան-Կայ-շիի և նրա գլու-
խավորած ռեակցիոն կլիկի, ինչպէս և նրանց օտար-
երկրյա տերերի ստոր պլանները, Չինաստանի կո-
մունիստական պարտիան չի հաժառում նրանց կեղ-
ծավոր հաժառախացումներին: Չինական կոմպար-
տիայի ներկայացուցիչը հունվարի 28-ին հրապարա-
կեց մի հայտարարութիւն, որի մեջ ասված է, որ
գումինդանական կառավարութեան այժմյան գործողու-
թիւնը «հանդիսանում է մի այնպիսի պլան, որով
նախատեսվում է հաշտութեան կեղծավոր բանակցու-
թիւններն օգտագործել իր զինված ուժերի վերա-
խմբավորումը և պատերազմական պատրաստութիւն-
ները բողարկելու համար»: Այնչուով վերահիշյալից
Չինաստանի կոմունիստական պարտիան գումինդա-
նական կառավարութիւնից կտրականորեն պահան-
ջում է իր առաջադրած 8 պայմանների անխախտ
կատարումը, ըստ որում առաջին հերթին պատերազ-
մի հանցագործների, այդ թվում Չան-Կայ-շիի ան-
հապաղ ձերբակալումը:



Չինաստանի ժողովրդա-ազատագրական զորքերի
խաշոր հաջողութիւնները և գումինդանական զորքերի
ժանր պարտութիւնները ունեն իրենց մի շարք պատ-
ճառները: Պատերազմի ընթացքում Չինաստանի
ռեակցիոն ուժերն ամբողջովին մերկացան, ցույց
տալով իրենց հակաժողովրդական, հակաազգային

դեմքը: Չինական ժողովուրդը բազմաթիվ փաստերի վրա հաստատորեն համոզվեց, որ գոմինդանական ղեկավար շրջաններն ամերիկյան խմայերիալիստներին են վաճառում երկրի անկախությունն ու ազատությունը, որ նրանք անընդունակ են բարեխաղի աշխատավորների ժանր դրությամբ և որ նրանք մտածում են միայն իրենց անձնական հարստացման մասին: Չինական ղեկավարները դուրս եկան մեկուսացված Չինաստանի ժողովրդական մասսաներից: Չինաստանում, նրա պատմության ընթացքում առաջին անգամ կազմակերպվեց դեռևս չտեսնված ազգային միասնական ճակատ, որը միացնում է բանվորներին, գյուղացիներին, բաղաբային մանր թուրթուռազիպին և այլն:

Չինական ժողովրդի ազգային միասնական ճակատում հիմնական դերը խաղում է բանվոր դասակարգը, որը սերտ դաշինքի մեջ է մտել գյուղացիության հետ: Չինական կոմունիստական պարտիան, որն այժմ իր շարքերում ունի ավելի քան 3 միլիոն անդամ, հանգիստանում է ազգային միացյալ ճակատի ճանաչված առաջնորդը: Կոմպարտիայի ծրագիրը, որը ցույց է տալիս ժողովրդա-ազատագրական պատերազմի նըպատակները և նշում է հիմնական գեմոկրատական ռեֆորմները, այժմ ճանաչված է ամբողջ չին ժողովրդի կողմից: Այդ ծրագիրը ոչ միայն հայտարարվեց, այլև հետևողականորեն կիրառվում է կյանքում երկրի ազատագրված ամբողջ տերիտորիայում:

— 42 —

Չինաստանի ազատագրված շրջաններում, իշխանության հին օրգանների փոխարեն, դեմոկրատական հիմունքներով ընտրված են իշխանության իսկական ժողովրդական օրգաններ: Ընտրական իրավունք է տրված բոլոր բաղաբացիներին, առանց սեռի, ազգության և սոցիալական պատկանելության խտրության: Օգտագործելով իրենց տրված իրավունքները ազատագրված շրջանների աշխատավորներն ստեղծեցին պրոֆմիություններ, գյուղացիական միություններ, կոոպերատիվ միավորումներ և հասարակական այլ կազմակերպություններ, որոնք իրենց շարքերում միավորեցին մոտ 100 միլիոն մարդ:

Իշխանության գեմոկրատական օրգանները ազատագրված շրջաններում, բաղաբացիական պատերազմի ընթացքում, անցկացրին մի շարք գեմոկրատական ռեֆորմներ: 1948 թվի գարնանը Մանչուրիայի և Հյուսիսային Չինաստանի ազատագրված ամբողջ տերիտորիայի վրա ավարտվեց հողային ռեֆորմի անցկացումը: Մամուլի հաղորդագրություններով մոտ 100 միլիոն գյուղացի և նրանց ընտանիքների անդամներ հող ստացան և կամ թե ավելացրին իրենց հողաբաժինը՝ ի հաշիվ կալվածատերերից խլված հողերի: Միլիոնավոր գյուղացիներ ազատագրվել են կալվածատերերի և վաշխառուների շահագործումից և հարկատվությունից:

Հողի ռեֆորմի անցկացման հետ միաժամանակ

— 43 —

ազգայնացվեց հաղորդական հափշտակիչներին և չի-
նական խոշոր մոնոպոլիստներին պատկանող արդյու-
նաբերությունը: Շնորհիվ բանվորների աշխատանքա-
յին հերոսության ազատագրված շրջանների արդյունա-
բերական ձեռնարկությունների մեծ մասն այժմ աշ-
խատում է լրիվ թափով: Ազատագրված շրջաններում
1948 թվին հավաքված լավ բերքը և արդյունաբերա-
կան արտադրանքի աճը զգալի չափով բարելավեցին
այդ շրջանների աշխատավորության տնտեսական
դրությունը:

Բացի հողային ռեֆորմից և արդյունաբերության
ազգայնացումից, Չինաստանի ազատագրված շրջան-
ների իշխանության ղեմակրատական օրգանները մի-
շարք միջոցառումներ ձեռնարկեցին բանվոր դասա-
կարգի կյանքի պայմանների բարելավման, հանձնեց-
դրության բարելավման, ազգային փոքրամասնության
ավտոնոմիան ապահովելու, գյուղացիներին՝ իրենց
ստացած հողը օգտագործելու համար օգնություն
կազմափնդելու, ժողովրդական կրթության զարգաց-
ման, առողջապահության համար և այլն: Դեմոկրա-
տական ռեֆորմները ժողովրդական մասսաներին ա-
վելի սերտորեն համախմբեցին իշխանության ղեմա-
կրատական օրգանների և Չինաստանի կոմունիստա-
կան պարտիայի շուրջը:

Երկրագրադ և Գեոգրաֆիկական
 Երկրագրադ և Գեոգրաֆիկական Երկրագրադ և Գեոգրաֆիկական
 Երկրագրադ և Գեոգրաֆիկական Երկրագրադ և Գեոգրաֆիկական

Երկրագրադ և Գեոգրաֆիկական
 Երկրագրադ և Գեոգրաֆիկական Երկրագրադ և Գեոգրաֆիկական



ԹԵՄԱ, ՊԼԱՆ ԵՎ ԳՐԱԿԱՆՈՒԹՅՈՒՆ ԱԳԻՏԱՏՈՐՆԵՐԻ ԶՐՈՒՅՑՆԵՐԻ ՀԱՄԱՐ

ՍՍՌՄ ՄԻՆԻՍՏՐՆԵՐԻ ՍՈՎԵՏԻ ՈՐՈՇՈՒՄԸ
«ԿՈՒՆՈՉՆԵՐՈՒՄ ԱՇԽԱՏԱՆՔԻ ԿԱԶՄԱԿԵՐ-
ՊՈՒՄԸ ԲԱՐԵԼԱՎԵԼՈՒ, ԱՐՏԱԴՐՈՂԱԿԱՆՈՒ-
ԹՅՈՒՆԸ ԲԱՐԶՐԱՅՆԵԼՈՒ ԵՎ ՎԱՐՁԱՏՐՈՒ-
ԹՅՈՒՆԸ ԿԱՐԳԱՎՈՐԵԼՈՒ ՄԻՋՈՑԱՌՈՒՄ-
ՆԵՐԻ ՄԱՍԻՆ»:

1. ՍՍՌՄ ՄԻՆԻՍՏՐՆԵՐԻ ՍՈՎԵՏԻ յորոշումը
կարևորագույն միջոցառում է մեր երկրում
պարենամթերքների ու արդյունաբերական
հումքի առատություն և պետական անհրա-
ժեշտ ռեզերվներ ստեղծելու համար:

2. Կոլխոզների բրիգադաներում և օղակնե-
րում բոլոր գյուղատնտեսական աշխատանք-
ները անհատական ու մանր-խմբային գոր-
ծավարձի հիման վրա կատարելը կարևորա-
գույն ձեռնարկում է հանրային աշխատանք-
ում յուրաքանչյուր կոլխոզնիկի շահագր-
գրովածությունը բարձրացնելու, դիմազր-
կությունը վերացնելու, կարգապահությունն
է՛լ ավելի բարձրացնելու գործում:

3. Կոլխոզների աշխատանքի կազմա-

կերպման և վարձատրման նոր կարգը պայ-
քար է կոլխոզնիկների մեջ եղած գույքո-
ւանքարեխիղճ տարրերի դեմ:

4. ՍՍՌՄ-ի յուրաքանչյուր քաղաքացի
պարտավոր է պահպանել և ամրացնել հան-
րային սոցիալիստական սեփականությունը,
որպես սովետական կարգերի արքազան և
անձեռնմխելի հիմքը, որպես հայրենիքի
հարստության և հզորության աղբյուրը:

5. Հնթացիկ տարվա դարնանացանին
ժամանակին, բազմակրողմանի նախապատ-
րաստվելը և սեղմ ժամկետով ավարտելը
պարտիայի և կառավարության որոշումների
կենսագործումն է:

ԳՐԱԿԱՆՈՒԹՅՈՒՆ

1. ՍՍՌՄ Միևիատրների Սովետի որոշումը
«Կոլխոզներում աշխատանքի կազմակերպու-
մը բարելավելու, արտադրողականությունը
բարձրացնելու և վարձատրությունը կարգա-
վորելու միջոցառումների մասին»: (Սովե-
տական Հայաստան», 25 հունիսի 1948 թ.):

2. ՍՍՌՄ Գերագույն Սովետի Նախագա-
հության 1947 թ. հունիսի 4-ի հրամանագի-
րը («Ս. Հ.», 5 հունիսի 1947 թ.):

3. ՍՍՌՄ Կոնստիտուցիայի V և X գլուխ:

ԻՆՉ ԿԱՐԴԱԼ

Մ. Ի. ԿԱԼԻՆԻՆ. — «Քաղաքական ազիտա-
ցիայի մասին», Հայպետհրատ, 1948 թ., էջ 58:

«Ազիտատորի գրադարան»-ի սերիայով
ույս տեսած այս ժողովածուի մեջ գետնեղ-
ված են 1942—1944 թ. թ. ժամանակաշրջ-
անում Միխայիլ Իվանովիչ Կալինինի մի-
քանի ելույթները քաղաքական ազիտացիայի
մասին:

Բոլշևիկյան պարտիայի և սովետական
պետության ականավոր գործիչ Մ. Ի. Կալի-
նինը հանդիսանում էր Լենինի-Ստալինի
գաղափարների լավագույն պրոպագանդիս-
տը ու ազիտատորը. նա բոլշևիկյան ճշ-
մարիտ խոսքը տանում էր դեպի մասսանե-
րը և նրանց պայքարի հանում այդ գաղա-
փարների կենսագործման համար:

Մ. Ի. Կալինինը, ելնելով իր անձնական
պրոպագանդիստական, ազիտացիոն աշխա-
տանքի բազմամյա փորձից, պարտիական
աշխատողներին ու ազիտատորներին սովո-
րեցնում էր բոլշևիկյան ազիտացիայի արվես-
տը: Հանձնարարվող այս ժողովածուում

ամփոփված են նրա հինգ ելույթները, որոնք սովորեցնում են բոլեիզմի ճշմարիտ խոսքը տեղ հասցնելու կարողություն, մասսաներին դիմելու և կազմակերպելու ուժ ու ընդունակություն:

Դրա համար ամենից առաջ անհրաժեշտ է, — սովորեցնում էր Մ. Ի. Կալինինը, — որ ագիտատորը լինի գաղափարական մարդ, խորապես նմիրված կոմունիստական պարտիաչին, հասկանալի խնդիրները, որ մեր պարտիան դնում է բանվոր դասակարգի առաջ, ժողովրդի առաջ, որ նա որոշակի ընդհանուր պատրաստականություն ունենա Մ. Ի. Կալինինը սովորեցնում էր, թե ինչ պես, ինչ ձևերով ու մեթոդներով պետք է քաղաքական աշխատանք կատարել մասսաների մեջ, կազմակերպել ու առաջնորդել մասսաներին:

Ագիտատորը պետք է համեստ լինի, ժամտանա, լինի ճշմարտախոս, անկեղծություն ու ազնվություն, մոռանալով ինչի մարդկանց: Մ. Ի. Կալինինը նշում էր, որ ագիտատորը չպետք է խոսի միայն հարցեր դնելուց, խույս չտա պատասխանելուց, չպետք է կոծկի դրված հարցեր և նկարագրի դրությունն այնպես, ինչպես դրանք Ռազմաճակատի ագիտատորները անում էին:

— 48 —

Պակցության ժամանակ Միխայիլ Ելույթները ելույթում նշում էր, որ պետք է պարտիայի «խոսքը հեղինակավոր լինի, ինչպես լինում էր, կարողանա քափանցել մասսաներին, որ, դաստիարակի ու բուրգի մասսաներին», որ նա պետք է «մարդկանց դաստիարակի ու սովորեցնի իր սխրագործության փառքյան անձնական օրինակով, բոլորական բոցաշունչ խոսքով, հարցերի նկատմամբ համարձակ դրվածով, և, որ գլխավորապես մարտական օրինակելի աշխատանքով»:

Մ. Ի. Կալինինը լուրջ նշանակություն տալիս ագիտատորի լեզվին, որ «ագիտատորի համար լեզուն ամեն ինչ է»: Միխայիլ Ելույթները Կալինինը սովորեցնում էր հարցերի մեջ տեսնել պիսավորը, յուրաքանչյուր էտապում կարողանալ բռնել հիմնական օղակից:

Մ. Ի. Կալինինի «Քաղաքական ագիտացիայի մասին» այս փոքրիկ ժողովածուն մեծապես կօգնի մեր ագիտատորներին՝ աշխատավորների մեջ իրենց ամենօրյա քաղաքական-մասսայական աշխատանքի ընթացքում:

ՆՈՐ ԳՐԲԵՐ

3. ԷՆԳԵԼՍ.— «Կոմունիստների Միության պատմության շուրջ», Հայպետհրատ, 1948 թ., տիրաժ. 5000, 32 էջ, գինը՝ 50 կոպ.

3. ԶՆԼԻԿՍՈՆ.— ԲՈՒՐՈՎՍԿՅԱՆ.— «Մ. Խ. Կալինին», Հայպետհրատ, 1949 թ., տիրաժ. 3000, 68 էջ, գինը՝ 2 ռ.:

Ա. ԱՅՎԱԶՅԱՆ.— «Թովչանք», Հայպետհրատ, 1948 թ., տիրաժ. 3000, 68 էջ, գինը՝ 2 ռ.:

Պատասխանատու խմբագիր՝
2. ԱՅՎԱԶՅԱՆ

ԳԻՆԸ 50 ԿՈՊ.

ՎՅ 01022

Պատվեր № 224

Տիրաժ 8.500

Պոլիգրաֆ. և հրատ. վարչ. № 2 տպարան, Երևան

Отдел Пропаганды и агитации ЦК КП(б)

Армении

БЛОКНОТ АГИТАТОРА

№ 5

1949 г.